



Broj predmeta: 13-001572/23
Broj akta: 02-1533ST-0056/23
Datum, 6.10.2023. godine
Mjesto, Brčko

Na osnovu člana 21. Zakona o Vladi Brčko distrikta Bosne i Hercegovine („Službeni glasnik Brčko distrikta BiH”, broj: 27/23 – prečišćeni tekst), člana 20. Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH”, broj: 25/20 – prečišćeni tekst i 17/23), Odluke o usvajanju Budžeta Brčko distrikta Bosne i Hercegovine za fiskalnu 2023. godinu, broj: 01-02-6154/22 od 21. 12. 2022. godine, člana 59. Zakona o Budžetu Brčko distrikta BiH („Službeni glasnik Brčko distrikta BiH”, broj: 34/19 i 22/23), Zakona o izvršenju Budžeta Brčko distrikta BiH za 2023. godinu („Službeni glasnik Brčko distrikta BiH”, broj: 48/22 i 22/23), Pravilnika o finansiranju i sufinansiranju programa i projekata od javnog interesa udruženja, fondacija i drugih pravnih i fizičkih lica od strane Odjeljenja za stručne i administrativne poslove („Službeni glasnik Brčko distrikta BiH”, broj 10/21), Odluke o raspisivanju javnih poziva za finansiranje i sufinansiranje programa i projekata od javnog interesa, broj: 13-001572/23, broj akta: 02-1533ST-0001/23 od 15. 6. 2023. godine i Odluke o usvajanju programa utroška sredstava s pozicije tekućih donacija neprofitnim organizacijama za 2023. godinu u Odjeljenju za stručne i administrativne poslove po drugom javnom pozivu, broj: 13-001572/23, broj akta: 01.11-0323SR-053/23 od 27. 9. 2023. godine, šef Odjeljenja za stručne i administrativne poslove **o b j a v l j u j e**

DRUGI JAVNI POZIV

ZA FINANSIRANJE I SUFINANSIRANJE PRIJEDLOGA PROGRAMA I PROJEKATA OD JAVNOG INTERESA UDRUŽENJA, FONDACIJA I DRUGIH PRAVNIH I FIZIČKIH LICA

I.

Cilj

Cilj Javnog poziva je finansiranje i sufinansiranje programa odnosno projekata od javnog interesa u oblasti socijalne zaštite, zaštite lica sa invaliditetom, društvene brige o djeci i mladima, pomoći starima, zdravstvene zaštite, zaštite i promovisanja ljudskih prava, volonterstva, suzbijanja diskriminacije, nasilja u porodici i maloljetničkog nasilja, borbe protiv ovisnosti, oblasti socijalnog preduzetništva, obrazovanja, nauke, kulture, umjetnosti, informisanja, amaterskog sporta, zaštite životne sredine, održivog razvoja, zaštite životinja, zaštite potrošača, borbe protiv korupcije, promovisanja evropskih integracija kao i humanitarni i slični rad.

II.

Pravo učešća

Na Javnom pozivu mogu učestvovati udruženja, fondacije i druga pravna i fizička lica koja su registrovana za obavljanje aktivnosti koje su vezane za program odnosno projekat od javnog interesa, odnosno čiji ciljevi su saglasni s ciljevima programa odnosno projekta od javnog interesa. Članom 63. stav (1) Zakona o budžetu Brčko distrikta BiH propisano je koja udruženja i fondacije, odnosno pravna i fizička lica nemaju pravo učešća na javnom pozivu.

III.

Opći i posebni kriteriji

Izbor programa i projekata vrši se na osnovu općih i posebnih kriterija.
Opći kriteriji su:

- a) procjena usklađenosti ciljeva programa odnosno projekta s ciljevima i prioritetnim područjima te strateškim i drugim planskim dokumentima razvoja Distrikta i planovima Odjeljenja, kako su opisani u javnom pozivu;
- b) kvalitet i sadržaj prijavljenog programa odnosno projekta;
- c) kvalitet dosadašnjeg rada, uspjesi i iskustva, te kontinuitet saradnje s Odjeljenjem;
- d) neposredna društvena korist za zajednicu;
- e) finansijska i druga sposobnost za provođenje projekta te realan odnos troškova i očekivanih rezultata aktivnosti programa odnosno projekta;
- f) održivost rezultata programa odnosno projekta.

Posebni kriteriji su:

- g) dosadašnje iskustvo u provođenju programa i projekata finansiranih iz istog ili drugih izvora;
- h) organizovanost i broj članova udruženja, odnosno ekvivalentni kapaciteti pravnog odnosno fizičkog lica, odnosno broj lica koja bi učestvovala u realizaciji programa odnosno projekta;
- i) angažman djece, mladih, žena, osoba s invaliditetom u realizaciji programa odnosno projekta.

IV.

Prihvatljivi i neprihvatljivi troškovi provođenja programa odnosno projekta

Prihvatljivi troškovi su troškovi koje je imao korisnik finansiranja, a koji ispunjavaju sve sljedeće kriterije:

- a) nastali su za vrijeme perioda provođenja programa odnosno projekta u skladu s ugovorom;
- b) moraju biti navedeni u ukupnom predviđenom budžetu programa odnosno projekta od javnog interesa;
- c) nužni su za provođenje programa odnosno projekta od javnog interesa koji je predmet dodjele finansijskih sredstava;
- d) mogu biti identifikovani i provjereni i koji su računovodstveno evidentirani kod korisnika finansiranja prema važećim propisima;
- e) trebaju biti umjereni, opravdani i usaglašeni sa zahtjevima racionalnog finansijskog upravljanja, posebno u odnosu na štedljivost i učinkovitost.
 - Troškovi navedeni u budžetu programa odnosno projekta od javnog interesa moraju se zasnivati na realnoj cijeni i/ili procjeni. Budžet programa odnosno projekta od javnog interesa mora biti planiran ekonomično i efikasno, tj. navedeni troškovi moraju biti neophodni za provođenje programa odnosno projekta od javnog interesa.
 - Direktni troškovi su oni troškovi koji su u direktnoj vezi s provođenjem i ostvarenjem ciljeva programa odnosno projekta od javnog interesa, odnosno direktno povezani s pojedinačnom aktivnosti programa odnosno projekta i kada se veza s tom pojedinačnom aktivnošću može pokazati.
 - U indirektno prihvatljive troškove ubrajaju se oni troškovi koji nastaju u okviru programa odnosno projekta, ali nisu u direktnoj vezi s ostvarenjem jednog ili više ciljeva programa odnosno projekta, odnosno nisu direktno povezani ili se ne mogu povezati s pojedinačnom aktivnošću programa odnosno projekta. Takvi troškovi uključuju i troškove za koje je teško utvrditi tačan iznos koji se može pripisati određenoj aktivnosti odnosno troškove kod kojih je iznos moguće procijeniti samo izračunom po posebnoj metodologiji. Uz navedeno, indirektno troškove čine: troškovi usluga računovodstva, troškovi usluga čišćenja, troškovi telefona, vode, električne energije, iznajmljivanja kancelarijskog prostora u dijelu koji se koristi za upravljanje projektom, troškovi poštarine, kancelarijski materijal i slično.

Indirektni troškovi nosilaca programa odnosno projekata koji se mogu odobriti, izračunavaju se primjenom fiksne stope do 15% od prihvatljivih direktnih troškova.

Neprihvatljivim troškovima smatraju se:

- a) dugovi i stavke za pokrivanje gubitka, dugova, kazni i slično,
- b) dospjele kamate,

- c) stavke koje se već finansiraju iz javnih izvora,
- d) kupovina zemljišta ili građevina, osim kada je to nužno za direktno provođenje programa odnosno projekata,
- e) gubici na kursnim razlikama,
- f) zajmovi trećim stranama,
- g) pokloni (osim kada je to nužno za direktno provođenje programa odnosno projekta aplikacija koji su registrovani za obavljanje humanitarnih aktivnosti),
- h) kupovina vozila (osim ako je to nužno za direktno provođenje programa, odnosno projekta),
- i) lično životno osiguranje,
- j) ostale isplate koje nisu predviđene relevantnim zakonskim propisima.

V.

Spisak neophodne dokumentacije za učešće na javnom pozivu

Pravna i fizička lica iz člana II. koja podnose prijave za učešće na javnom pozivu dužna su dostaviti:

- a) potpisanu i ovjerenu prijavu na javni poziv (aneks II) uz naznačen naziv programa odnosno projekta;
- b) potpisan i ovjeren prijedlog programa i projekta od javnog interesa (aneks III);
- c) potpisan i ovjeren budžet programa i projekta od javnog interesa (aneks IV);
- d) potpisanu i ovjerenu logičku matricu (aneks V);
- e) potpisanu i ovjerenu izjavu o partnerstvu s drugim organizacijama i licima, ukoliko više pravnih i fizičkih lica učestvuje zajedno u podnošenju prijave (aneks VI);
- f) potpisanu i ovjerenu izjavu o nepostojanju okolnosti koje zabranjuju učešće pravnog ili fizičkog lica na javnom pozivu (slobodna forma);
- g) potpisanu i ovjerenu izjavu nosioca programa odnosno projekta da nije dobio sredstva za finansiranje odnosno sufinansiranje programa odnosno projekta od drugog budžetskog korisnika (slobodna forma);
- h) dokaz o izmirenim poreskim obavezama ili sporazum zaključen s Poreskom upravom o odgođenom plaćanju neizmirenih poreskih obaveza udruženja ne stariji od 3 mjeseca;
- i) kopija važećeg statuta, s vidljivom ovjerom od strane relevantne institucije kod koje je aplikant registrovan (za pravna lica);
- j) kopija Rješenja o registraciji sa svim pripadajućim prilogima – aneksima u kojima su vidljivi deponovani potpisi lica ovlaštenih za zastupanje (za pravna lica);
- k) aktuelni izvod iz sudskog registra pravnih ili fizičkih lica nosilaca ili partnera nosilaca predloženog programa odnosno projekta od javnog interesa koji nije stariji od tri mjeseca;
- l) karton deponovanih potpisa iz banke ili Ugovor podnosioca prijave s bankom u kojoj ima otvoren tekući račun.

Ukoliko prijavu podnosi fizičko lice, dužno je dostaviti kopiju identifikacionog dokumenta, te popunjene i potpisane obrasce, neophodne za učešće na Javnom pozivu.

Nepotpune, nepravovremene i prijave podnesene od neovlaštenog lica neće biti uzete u razmatranje.

VI.

Finansijski okvir

Ukupna vrijednost sredstava koja se dodjeljuju za finansiranje odnosno sufinansiranje programa odnosno projekata od javnog interesa po drugom javnom pozivu utvrđena su Budžetom Brčko distrikta BIH za 2023. godinu, na organizacionom kodu 15010001 – Pododjeljenje za podršku MZ, NVO i UG, ekonomski kod: 614300 – Tekuće donacije neprofitnim organizacijama i iznosi **185.000,00 KM** za finansiranje i sufinansiranje programa odnosno projekata od javnog interesa u oblastima: socijalne zaštite, zaštite lica sa invaliditetom, društvene brige o djeci i mladima, pomoći starima, zdravstvene zaštite, zaštite i promovisanja ljudskih prava, volonterstva, suzbijanja diskriminacije, nasilja u porodici i maloljetničkog nasilja, borbe protiv ovisnosti, oblasti socijalnog preduzetništva, obrazovanja, nauke, kulture, umjetnosti, informisanja, amaterskog sporta, zaštite životne sredine, održivog razvoja, zaštite

životinja, zaštite potrošača, borbe protiv korupcije, promovisanja evropskih integracija kao i humanitarni i slični rad.

Minimalni iznos sredstava po programu odnosno projektu je 2.000,00 KM, a maksimalni iznos 15.000,00 KM.

Maksimalni iznos za pokriće troškova ljudskih resursa u svrhu realizacije programa odnosno projekta je 25% od ukupnog iznosa odobrenih sredstava.

Maksimalni iznos za pokriće administrativnih troškova (sredstva rezervi za neplanirane situacije u svrhu realizacije programa odnosno projekta) je 7% od ukupnog iznosa odobrenih sredstava.

Iznos koji se može odobriti za sufinansiranje projekata koji su u toku (ili su odobreni za finansiranje od strane drugog donatora izvan Brčko distrikta BiH) je do 30% od ukupne vrijednosti projekta koji se sufinansira.

VII.

Način bodovanja

Komisija boduje podnesene prijedloge programa odnosno projekta prema općim i posebnim kriterijima i to vrjednovanjem svakog pojedinačnog kriterija ocjenom od 1 do 10 bodova.

Ukupan broj bodova za ocjenu prijavljenog programa odnosno projekta čini ukupan zbirni broj bodova članova Komisije, prema općim i posebnim kriterijima.

Finansiranje odnosno sufinansiranje programa odnosno projekta neće biti odobreno ako prijavljeni program odnosno projekat u postupku bodovanja ne ostvari minimalno 70% (sedamdeset posto) maksimalnog broja bodova prema kriterijima za ocjenu.

VIII.

Vrijeme trajanje programa odnosno projekta

Maksimalno vrijeme trajanja programa odnosno projekta je do 6 mjeseci, od momenta zaključivanja Ugovora o finansiranju.

IX.

Način prijavljivanja

Obrazac prijave s popratnom dokumentacijom za učešće na Javnom pozivu možete preuzeti na web stranici: www.vlada.bdcentral.net.

Prijave za učešće na Javnom pozivu popuniti isključivo u elektronskoj formi i dostaviti u zatvorenoj koverti, s naznakom: „**PRIJAVA NA JAVNI POZIV ZA FINANSIRANJE I SUFINANSIRANJE PROGRAMA I PROJEKATA OD JAVNOG INTERESA UDRUŽENJA, FONDACIJA I DRUGIH PRAVNIH I FIZIČKIH LICA OD STRANE ODJELJENJA ZA STRUČNE I ADMINISTRATIVNE POSLOVE – NE OTVARATI, OTVARA KOMISIJA**”. S druge strane koverta navesti naziv aplikanta, te prijavu dostaviti, putem protokola Vlade Brčko distrikta BiH, Odjeljenju za stručne i administrativne poslove ili putem pošte na adresu:

Odjeljenje za stručne i administrativne poslove

Bulevar mira br. 1, Brčko distrikt BiH

Za sve potrebne informacije možete se obratiti putem e-maila:

Amir Karamujić: amir.karamujic@bdcentral.net,

Nebojša Jokić: nebojsa.jokic@bdcentral.net.

Ostale napomene:

Javni poziv ostaje otvoren petnaest (15) dana od dana objavljivanja, zaključno sa 24. 10. 2023. godine i bit će objavljen na internet stranici Vlade Brčko distrikta BiH www.vlada.bdcentral.net. Jedan aplikant može kandidovati jedan program odnosno projekat po ovom javnom pozivu.

Predloženi programi odnosno projekti na temu edukacija o načinu prijave na javne pozive, odnosno načinu pisanja projekata, po ovom javnom pozivu neće biti finansirani.

Samo prijave koje su u skladu s Javnim pozivom će biti uzete u razmatranje za dodjelu sredstava.

Odabir programa odnosno projekata koji će biti finansirani po javnom pozivu vrši Komisija na osnovu kriterija iz člana III, i rang-listu odabranih programa odnosno projekata dostavlja šefu Odjeljenja na odlučivanje.

Rezultati Javnog poziva, odnosno odabira programa ili projekta će biti objavljeni na internet stranici Vlade Brčko distrikta BiH.

Odjeljenje će na sve pristigle prijave po ovom javnom pozivu dostaviti pisano obavještenje o izboru programa odnosno projekta, kao i obrazloženje o razlozima neprihvatanja programa odnosno projekta.

Indikativni datum donošenja Odluke o dodjeli sredstava za finansiranje ili sufinansiranje programa, odnosno projekata od javnog interesa je 6. 12. 2023. godine, koja će biti objavljena na zvaničnoj internet stranici Vlade Brčko distrikta BiH.

Predviđeni rok za zaključivanje ugovora s nosiocima odobrenih programa, odnosno projekata je najkasnije 14 dana od dana donošenja Odluke.

ŠEF ODJELJENJA

Senad Tufekčić, dipl. psiholog – pedagog

DOSTAVITI:

1. Medijima,
2. Za oglasnu ploču Vlade Brčko distrikta BiH,
3. Sektoru za informisanje – web uredniku,
4. Evidenciji,
5. Arhivi.